

fideles et boni doctores ad omnes; corripite inquietos; suscipe infirmos; patientes estote ad omnes; sancti. A cipietis, in nomine Patris, et Filii, et Spiritus sancti. et quantos fueritis lucrati, pro tantis mercedem ac-

Explicit Regula Patrum abbatum xxxviii.

SEQUITUR ALIA PATRUM REGULA AD MONACHOS.

OBSERVATIO CRITICA IN REGULAM SEQUENTEM.

An haec secunda Patrum Regula compilata fuerit a suprarelatis abbatis, merito dubitatur, cum nomen nullius auctoris prescribatur: quamvis prefatio fateatur plures sanctos Patres in unum convenisse, ad ordinandam Regulam profectui fratrum æque ac prepositorum adaptatam; quatenus in monasterii regimine tam superior quam inferior sine hæsitatione ad operandum procedere valeat. Adeoque apparet, quod sit supplementum alterius Regulæ a quatuor prefatis abbatis prescriptæ; quia haec presens Regula pro coenobitis composita est, ut pote prescribens tempora et modum recitandi Officij divini, laboris manuum. Deinde disserit de infantium submissione, de fraterna correctione, de vitando omni murmurandi genere, etc. Quæ omnia præcepta, septem numero et quidem sat compendiosa, monachis in commune viventibus omnino necessaria sunt.

INCIPIUNT CAPITULA REGULÆ A SANCTIS PATRIBUS PROLATAE.

1. De unanimitate charitatis, et de diligendo ac obtemperando abbatii.
2. Ut non se fidelis vanis destruant, et ut in conventu si interrogatus quis loquatur.
3. Ut advenienti peregrino nihil plus exhibeat quis, quam occursum humilem et pacem.
4. Ut præsente seniore psallendi loquendive non habeat

- B facultatem.
 5. De cursu orationis, et horis operandi, ac de correctione delinquentium.
 6. De his, qui ad opus Dei tarde occurrunt.
 7. Ut frater qui pro qualibet culpa arguitur patientiam habeat, et ut ad mensam nemo loquatur.
- Explicant Capitula.*

INCIPIUNT PATRUM REGULÆ.

PRÆFATIO

Cum resideremus in unum in nomine Domini nostri Jesu Christi, secundum traditionem Patrum sanctorum virorum, visum est nobis conscribere vel Regulam ordinare, quæ in monasterio teneatur ad profectum fratrum; ut neque nos laboremus; neque sanctus præpositus, qui constitutus est in loco, dubitationem aliquam pati possit: ut omnes unanimes, sicut scriptum est, et unum sentientes: invicem honorantes (*Phil. ii*), ea quæ statuta sunt a Domino iugi observatione custodianter.

I. Ante omnia habentes charitatem, humilitatem, patientiam, mansuetudinem, vel cætera quæ docet sanctus Apostolus (*Col. iii*); ita ut nemo quidquam suum vindicet, sed sicut scriptum est in Actibus apostolorum, habeant omnia communia (*Act. iv*). Ille vero qui præpositus est, Dei judicium, et ordinationem sacerdotis in omnibus timere, diligere et obaudire debet secundum veritatem: quia si quis illum putat se spernere, Deum spernit: sicut scriptum est: *Qui vos audit, me audit; et qui vos spernit, me spernit: Et qui me spernit, spernit eum qui me misit* (*Luc. x*). Ita ut sine ipsius voluntate nullus frater quidquam agat, neque accipiat ab aliquo aliiquid, neque det, nec usquam prorsus recedat sine verbo.

II. Observantes etiam hoc, ut non se invicem fidelis vanis destruant, sed unusquisque opus suum meditetur et custodiat, et cogitationes habeat apud

C Deum. In conventu omnium nullus junior quidquam nisi interrogatus loquatur. Cæterum si quis vult consolationem accipere, vel verbum audire, secretum et opportunum tempus requirat

III. Advenienti peregrino nihil plus exhibeat quam pacem, reliquum non sit illi cura, unde venerit, pro quo venerit, vel quando ambulatus sit, nec se jungat ad fabulas cum illo

IV. Illud quoque observandum est, ut præsente seniore quocunque, vel præcedente in ordine psalldendi, sequens non habeat facultatem loquendi, vel aliquid presumendi, nisi tantum is qui in ordine, ut dictum est, præcedere videtur. Hoc usque ad imum ante omnia in oratione, seu in opere, sive in responsu dando erit servandum. Si vero simplicior fuerit, vel impeditior sermone, et dederit locum, ita demum sequens loquatur. Omnia tamen in charitate fiant, non per contentionem, vel aliquam præsumptionem.

V. Cursus vero orationum vel psalmorum, sicut dudum statutum est, ultra tempus istud meditandi operandique servabitur. Ita meditationem habeant fratres, ut usque ad horam secundam legant; si tamen nulla causa extiterit, qua necesse sit etiam prætermissa meditatione aliquid fieri in commune. Post horam vero secundam unusquisque ad opus suum paratus sit: et usque ad horam nonam quidquid injunctum fuerit, *sine murmuratione vel hæsitatione* (*Phil. ii*) perficiat, sicut docet sanctus Apostolus.

Ius. Si quis autem murmuraverit, vel contentiosus extiterit, aut opponens in aliquo contraria vo- luntatem præceptis, digne correctus tam diu abstineat, quandiu vel culpæ qualitas poposcerit, vel se pœnitendo humiliaverit atque emendaverit. Correctus autem non audeat usquam recedere. Si quis vero de fratribus, vel qui in cellis consistunt, ejus errori consenserit, culpabilis erit atque excommunicatione dignissimus.

VI. Ad horam vero orationis dato signo, si quis non statim prætermissio omni opere quod agit (qua nihil orationi præponendum est) paratus fuerit, foras excludatur confundendus. Operam vero dabunt singuli fratres, ut tempore quo missæ flunt, sive die sive nocte, quando diutius ad orationem standum est, non deficiant, vel superfluo foras recedant; quia scriptum est in Evangelio: *Oportet autem semper orare, et non deficere* (Luc. xviii). Et alio loco: *Non impediatis orare semper*. Si quis autem non necessitate, sed magis vitio procedendum putaverit, sciat se, cum deprehensus fuerit, culpabilem judi-

candum; quia per suam negligentiam et alios in A vitium mittit. In vigiliis observandum est, quando omnes conveniunt, quicunque gravatur somno, et exit foras, non se fabulis occupet, sed statim redeat ad opus, ad quod convenitur. In congregacione au- tem ipsa ubi legitur, aurem semper ad Scripturas habeant, et silentium observent omnes.

VII. Hoc etiam addendum fuit, ut frater, qui pro qualibet culpa arguitur vel increpatur, patientiam habeat, et non respondeat argenti; sed humiliet se in omnibus, secundum præceptum Domini dicentis: *Quia Deus humiliis dat gratiam, superbis autem resistit* (I Petr. v). Et, qui se humiliat, exaltabitur (Luc. xiv). Qui vero saepius correptus non se emen- daverit, novissimus in ordine stare iubeatur; sicut Dominus dixit: *Sit tibi sicut ethnicus et publicanus* (Matth. xviii). Ad mensam autem specialiter nullus loquatur, nisi qui præest, vel qui interrogatus fuerit.

Explicit Regula.

SEQUITUR TERTIA PATRUM REGULA AD MONACHOS.

OBSERVATIO CRITICA IN REGULAM SEQUENTEM.

Hæc est tertia Patrum in unum convenientium Regula, et quidem maxime cœnobitis præscripta: constat XIV præceptis tam ad monachos quam abbates et præpositos directis, quorum nonnulla sapiunt recentiorem disciplinam monasticam. Nam in primæva vita monastice institutione monachi ad clericatum communiter non evehebantur, prout hic supponitur: neque primis illis sæculis, præsertim tempore sancti Antonii, Serapionis, Pachomii, Paphnutii, etc., reperitur Regula monastica Latine scripta; quemadmodum et hæc conscripta fuisse videtur ob varios terminos ab Occidentalibus sive Latinis monachis communiter usitatos, qui raro inveniuntur in Regulis ex lingua Ægyptiaca vel Græca translati. Denique novitatem sapientis prescriptus niger cuculli color, cum ante sæcum septimum, imo tardius, vix reperiari possit aliquis determinatus color monachis designatus fuisse; recens enim est distinctio exorta inter monachos nigros et albos.

INCIPIUNT CAPITULA REGULÆ A SANCTIS PATRIBUS PROLATÆ.

1. De conversis.
2. Ut abbas nihil sibi proprium vindicet.
3. De vestimentis monachorum.
4. Ut nulla mulier ad monasterium vel agrum monachorum accedat.
5. De lectio et operatione monachorum.
6. De his, qui ad opus Dei tarde occurrunt.
7. De silencio ad mensam.
8. Ut ad necessaria quadruplicata bini vel terni militantur.

- C 9. Ut nusquam sine præcepto senioris egrediantur.
10. De his, qui de monasterio exire voluerint.
11. Ut abbas cum fratribus reficiat omni tempore.
12. Ut nullus monachus in infirmitate positus parentum studio commendetur.
13. De his, qui furfum faciunt.
14. Ut nullus alterius monachum sine permisso abbatis suscipiat.

Explicit Capitula.

INCIPIT REGULA.

I. Cum in nomine Domini, una cum fratribus nostris convenissemus, in primis placuit ut Regula et instituta Patrum per ordinem legerentur: quibus lectis placuit, si de sæculo quis in monasterio converti voluerit, Regula ei introeundi legatur, et omnes actus monasterii illi patetant. Quod si omnia apte suscepit, sic digne a fratribus in cellula suscipiatur, tum si aliquam in cellulam voluerit inferre substantiam, in mensa ponatur coram omnibus fra-

tribus, velut Regula continet. Quod si susceptus fuerit, non solum de substantia quam intulit, sed etiam nec de seipso ab illa judicabit hora.

II. Abbatii vero nulli licet sibi quidquam proprie vindicare, cum omnia Deo propio in illius maneat potestate. Si quis vero, quod in Regula junioribus prohibetur, sibi aliquid ex successione parentum, seu quolibet donato retinere presumperit, et non omnia in commune posuerit, a fratribus arguantur.